


Siracoviense Gymnasium

Oratio in inauguratione gymnasii Opali-
niani noviter Siracoviae erecti

Pedag. 1250.



ORATIO
IN INAUGURATIONE GYMNASII
OPALINIANI,

noviter

SIRACOVIAE

erecti.



LESNAE
EX OFFICINA DANIELIS VETTERI
ANNO M. DC. L.

h.

Clarissimo Doctissimo ac Eruditissimo Dno Dn
Martino Rachevinski Ate Magro & Priv
Doctore. Curfus Olad in alma Academia
Grae Professor. Collego maiori. Praeceptor
Patrono et Benefactori amplissimo.
M. Joannes Misalski Sat et offert
humillime.

33.518.III.



po
rui
ne,
nin
xif
LIN
po
ex o
nu,
loc
riet
niq
eleg
clav



QUod fæliciter eveniat rei
literariæ, ILLVSTRIS-
SIME PALATINE, cæteri-
q; Auditores, die Mensis hujus
auspicato, qui memoriæ
posterum, imo æternitati, consecrari me-
ruit, inclyti hujus Gymnasij fælici omi-
ne, fælicioribus auspicijs, fundamēta po-
nimus. Puto me rectè & cum ratione di-
xisse, Nos die hodierno Lycæi hujus OPA-
LINIANI fundamenta ponere poti9, quam
posuisse. Non enim illa intelligo, quæ
ex compage & strue lapidū Artificis ma-
nu, Architecti mente & dispositione, col-
locari solent; non illa, quibus hi muti pa-
rietes & superstructio incumbit; non de-
nique illa, quibus tota ædificij machina,
eleganti partium symmetriâ, apto con-
clavium ordine, laterum angulorumque

invicem sibi correspondentium egregiâ
dimensione (ita ut omnia ex se potius na-
ta, quàm manu facta videantur) imposita
est; non, inquam, hæc ipsa intelligo: Sed
illa potius intelligi volo, quibus Litera-
rum & bonarum Artiū velut ædificium
quoddam & structura (quæ ut in ingen-
tem assurgat altitudinem, non tantum
meum, sed & omnium Vestrum votum
est) in annos futuros promoveatur & su-
stentetur: illa dico, quæ Ecclesiæ fulcra
aliquando & columnas dent, quibus vel
fulciatur, vel innitatur: illa quæ ex ani-
mis Civium, ingenuis Artibus velut mu-
ro communitis, huic Regno firmamen-
tum & robur, imò ipsa propugnacula (u-
ti quidem spero & auguror) olim parent
& erigant: illa quibus ipsum honestum,
ipsaque virtus, superstruatur, quod uni-
cum vocavit clarus Vates fundamen-
tum, dicens

— — — — — HIC MVRVS AHENEVS ESTO
NIL CONSCIRE SIBI, NULLA PALLESCERE CVLPA.
Illa demum intelligo, quæ vis humana

non

non subruat, procella fortunæ non ever-
tat, casus non dejiciat, necessitas nō obru-
at, nec ipsum tempus, (licet illud rerum e-
dax vōcaverit antiquitas) aut superet un-
quam, aut consumat. Quamobrem
cū hic dies publicæ lætitiæ poscat, ut a-
liquid de instituto, deq; ordine hujus Gy-
mnasij dicamus, ejusque velut Encænia
celebremus, dicā aliquid Auditores, & pri-
mò finem scopumq; hujus instituti perte-
xam; dein commoda exinde in publicum
emanatura, brevibus recensebo, simulq;
ob oculos ponam, qvem usum quemque
fructum secum trahat & adferat.

At Tu MAGNANIME ILLUSTRISIMEQ; HE-
ROS, cujus mentē sublimior illa Eruditio
velut insedit; qui nihil unquam animo
humile, nihil factu in dignū, suscipis, tra-
ctas, absolvis; qui Mentem magnarum re-
rum capacem Scientiis rerum non tinctā,
sed imbutangeris; qui deniq; Gymnasij
hujus ipse autor es, ipse & origo, & finis;
paululū rogo animum adverte, dū Opus

hoc Tuum supremi Numinis honori, & mortalium utilitati consecratum, aliquantum uberius, non tamen ultra veri & honesti metas, celebroy.

Vos quoque rogo Auditores adeste, & benignas aures dicenti commodate.

OMnem vim in Animo sitam esse; Hominem nisi quâ animum, verè hominem dici; ejusque imperio, Corporis duntaxat servitio, uti; prisca prodidit & docuit Sapiencia. Quicquid in hac creatura, quam Hominem vocamus, illustre, quicquid magnum, quicquid divinum ad RATIONEM quâ imago Dei sumus, referri: Corporis bona, tanquam externa, fluxa, caduca, evanida: Sola animi, id est, interna, æterna esse! Per Eum nos ad alta aspirare & sperare; per Eum Deo frui, per Eum denique veram assequi fœlicitatem tota nobis instillavit Antiquitas, ipsa edocuit Ratio, sacræ ac profanæ Literæ monstraverunt. Quod cum ita se habeat,

ri, & beat, Auditores, nã illi mihi rem præcla-
van-ram agere videntur, qui ad culturam &
& ho-institutionem animorum, omnem cona-
& be-tum, omnesque vires conferunt: qui hoc
ipsum agunt, ut nobilissimam Hominis
partem, vel totum potius, artib. forment,
disciplinis poliant, rectâ institutione per-
ficiant. Eô enim pacto DEUM mihi vi-
dentur imitari, qui cum Hominem ex vi-
li terræ massa efformasset, insuper Men-
tem & spiritum infudit; sic & isti, rude hoc
& informe lutum, per bonas artes in Ho-
minis speciem velut efformant, infusis in-
super Scientiis animant, ac ut Homo ve-
rè homo sit efficiunt. Quid enim is in-
cultus, & rectæ rationis officio destitutus,
ab ipso ex quo formatus est Limo, vel à
Brutis, vel ab ipsis (quos olim eleganter in
Orphæo & Amphione fabellis involuta
depinxit & adornavit antiquitas) differt
Lapidibus? Quanti Vita ejus est, nisi vi-
vere, id est sapere, didicerit? Quid ei bo-
na fortunæ corporisq; conferunt, si Ani-
mo de-

mo destituatur. ? Quid inutili pondere
terram premit, si causas vivendi nescit. ?
Quid eidem terræ suæ affixus hæret, si mē-
te non assurgit, nec ad originē sui tendit. ?
Quid denique, prohi Deus immortalis, in
terrīs hominem agit, si hoc nomine in-
dignus sit. ? Certè certè fatendum est, nihil
Hominem sine bona mente, nihil in ho-
mine præter Animum, nihil hunc sine
Cultura atque institutione esse. Quam-
obrem ad supremū gloriæ culmen ascen-
disse, maximamq; promeruisse laudem,
videri possunt illi, qui ad hunc finē Scho-
las, Gymnasia, Academias erexerūt, & il-
lic ingenuam Indolem maturescere, Men-
tem excoli, Mores formari, Virtutes in-
stillari, voluerunt. Probè enim intelle-
xerunt talem quemque post futurū, qua-
lis esse à primis annis cœpisset: facileque
Indolem arescere, dehinc sterilescere, nisi
bonarum Artium humore irrigetur. Ta-
les posse redolere mores, qualem primò
odorem imbiberint. Nihil facilius flecti,
quàm

quàm primam ætatem, quæ ut planta, si
longo tempore indurescat, non facile
post ramos patitur inclinari. Sed hæc
omnia rectæ rationi congruere, nemi-
nem puto Vestrum esse, qui non agnoscat
& fateatur. Ego certè ita mecum repu-
to: PER DISCIPLINAS HOMINEM FORMA-
RI, ampliùs dicam, HOMINEM FIERI: Si
hæ absint, nihil à brutis differre, imò illas
ipsas stupore & feritate superare.

Patere igitur ILLUSTRISSE PRINCEPS
(quem non tituli Principem, sed Virtus,
& integritas facit,) patere me, inquam,
paucis Te alloqui! Cùm ita à DEO com-
paratum sit, ut ij maximè Literis faveant
qui illis imbuti sunt, adverto Mentem
Tuam, tantâ Rerum Scientiâ, tam vâriâ
Lectiõne, tantò denique Studiorum ap-
paratu instructam, eò maximè summâ-
que animi contentione ferri, quò eadem
in aliis excitares, foveres, promoveres.
Nemo unquam bonarum artium rudis ad
eas colendas & in aliis producendas, ani-
mum

munum adjecit. Nemo humaniores disciplinas, expers ipse humanitatis, fovit. Nemo homines, ut sic dicam, creavit, ipse hominis titulo indignus. At in Te, in quo Virtus & Eruditio fœlici vinculo coaluerunt, quid mirum si Musæ domicilium fixerint? quid mirum, si tam humaniter admiffæ & exceptæ, in dies majora incrementa capiant? Certè cum Ipse earū familiaritate & consortio gauderas, facis ut & alii exemplo Tuo gaudeant. Et hinc prima Gymnasij istius fluxere principia atque institutio. Concepisti nempe capaci omnium rerum mente, quantum Ecclesiæ, quantum Reipublicæ intersit, ut Juventus à primis annis honestæ educationi incumbat. Hæ itaque fuerunt primæ (uti quidem conjicere possum) causæ, quæ Te adjacienda hujus Lycæi fundamenta impulerunt; quæ, ut nec sumptui, nec labori parceres, omnes denique huic rei conficiendæ modos adhiberes, effecerunt. Libet lubetque, Auditores,

2
ditores, paululum hunc campum percur-
rere, & quid inde in publicum proma-
nare soleat, paucis memorare. Qui
Pietatem reliquarum Virtutum funda-
mentum dixerunt, ratione dixisse mihi
quidem videntur. Sine DEO enim ni-
hil tutò suscipi, nihil agi; aut si quid agi-
tur in irritum cadere, nemo est qui ambi-
gat. Si subrueris hoc fulcrum, ruunt cæ-
tera, & reliquam ruinam secum trahunt.
Atqui Pietas cum in Deum, in Patriam,
in Parentes, dicatur, quò pacto, quaeso, si-
ne Educationis benè dispositæ & ordina-
tæ fundamento, vel stabit, vel perenna-
bit? Tollite hanc, Educationem dico
& Disciplinam, nullas unquam virtutum
machinas tutò superstruetis. Atqui ea,
pro Deum immortalē, unde melius hau-
riri, ubi securius conservari, quam in his,
de quibus loquimur; Scholis nempe sub
manu & oculis Præceptorum, potest.
Qui eos, quos sibi habent habebuntque
commendatos, ad Pietatem & cæterarum

Virtutum cultum, veluti manuducēt; qui huic præcipuè intenti erunt studio, ut Musarum alumni ad regulā recti & honesti vivant; ut ea rudimenta, atq; dein incrementa, non tantum Literarum, sed Virtutum (idque primo loco & ordine) capiant, quæ illis in reliquam vitam utilia sunt. Qui sic bonas Artes tractabunt, ut tamen iis qui eas didicerint, non solum non prodesse sine virtutis adminiculo, sed etiam obesse, credant. Qui actiones suas, curasq; omnes, ad unum Honesti scopum dirigent, nihilq; bonum, nihil honestum, nisi quod cum virtute conjunctum sit, instillabunt. Qui deniq; Honestum utili, Virtutem honori, rectam Conscientiam commodis quibusq; præferre; immotum Animi robur fortunæ illecebris oppondere, Juventuti inculcabant. Et hæc quidem nostri Gymnasii prima erit institutio, primus finis scopusque: hoc in primis agemus, ut non tantum Artium Schola, sed Virtutum officina sit. Quicquid hinc
incipien-

7
incipiendum erit, à DEO initium sumet,
hunc omnium bonorum autorem uti a-
gnosimus, ita cum eo poti9 omnia igno-
rare, quàm sine illo aliquid scire, cupie-
mus. Et quemadmodum vëterum Phi-
losophorum, qui moralem tractârunt di-
sciplinam, eò omnia collimasse, & in hoc
præcepto totam fundasse scientiã, com-
pertum sit, ut sequaces eorum, Deum se-
querentur; ita nostrarum Scholarũ hoc
erit propositum, hic finis. Sequemur.
DEUM, & ut cæteri sequantur, vel exem-
plo præibimus, vel hortatu compelle-
mus. Nemo hîc, ut opinor, ad virtutem
tardô enitetur molimine. Sive Aulam
Tuam, ILLUSTRISIME Domine, ejusque
actiones introspexerit, habebit unde mo-
rum Exempla sumat. Sive Religiosi
Ordinis vitam excutiat, nihil inde nisi
Pietatē hauriet. Sive sacros hujus Tem-
pli Mystas intueatur, stimulum ad hone-
sta quæque habebit. Sive deniq; Civium
mores consideret, nihil in eis vel solutum

vel corruptum reperiet. Quæ cum ita se habeant, Auditores, sufficient ista, quæ diximus, ad demonstrandum hujus instituti, & quidem præcipuum scopum.

Alter ab eo secundusq; breviter excutendus est, qui in exacto studiorum ordine consistit. Non malè videntur illi mihi calculum posuisse, atq; rationes inivisse, qui ORDINEM ANIMAM RERUM dixerunt. Vti enim omne corpus sine anima nec agere quidquam, multò minus rectè agere, potest, sed inutile pondus terræ duntaxat suæ adfixum hæret, corruptioniq; obnoxium est: ita Ordo, animam quandam, & mentem rebus inspirat, atq; ut omnia rectè suscipiantur, tractentur, absolvantur denique, solus facit. Vnde & nomē, teste Scaligero, accepit, ut Ordo, quasi ὅρον δῶ, h.e. *FINES, SEV METAS, ET LIMITES, ACTIONIBVS DO,* dicatur. ὅρος siquidem Græcis, in genere quidem, & communiter, terminum & litem significat; Aristoteles autem pro fine, seu meta, & scopo; Galenus denique
pro Mo-

3
pro Modo atq; regula, sumit. Quàm ap-
positè omnia! Solus quippe Ordo actio-
nibus & metas scoposq; præfigit, & me-
diis terminos limitesq; (quos ultra citraq;
nequit consistere rectum) circumscribit,
& mediis illis utendi modos certos, ceu
non aberrantes normas ac regulas, osten-
dit. Hæc igitur rerum anima, ORDO, si
usquam, certè in humanioribus Literis
observari, debet: ut nempe id quod doce-
tur & discitur, ordinatè doceatur & disca-
tur. Tenella nimirum ætas facilem ali-
quam requirit manuuctionem, metho-
dumq; brevè, quâ omnia & citò influant,
ac velut seipsa insinuent: non verò, uti
sæpius fit, violentâ intrusione, ingenium
obruant, memoriamque obtundant.

ARTEM ESSE LONGAM, VITAM BREVEM,
non absone dixerunt ævo jã suò antiqui;
& quid nobis demum nostro hóc, in tan-
tùm abbreviato, dicendum erit? Apo-
stolus autem sapere nos ad sobrietatem ju-
bet; eoque sapere plus quàm satis est, in-

tempe-

temperantiæ genus esse ostendit. Et quia
vita nostra tota actiuosa sit, esseq; debeat,
quæ infania, Divi boni, agendi tempora,
discendo occupare? dum Verba sine Re-
bus tot per annos, summo cum ingenio-
rum tædiô discuntur: dum Pueri ætatem
integram in Grammaticorum sordibus
consumunt; dum errorem in verbulo a-
liquo commisisse, ingenuæ & ad altiora
natæ indoli, nefas morte piandum, cen-
setur. Perstrepunt interim Scholæ plagis
ac verberibus, in quibus dominatur.

PRÆFECTURA, SIC VLA NON MITIOR AVLA.

Cognitiones peraguntur, tanquã res ca-
pitis ageretur, aut famæ, si fortè puer, in
reddendo, uti vocant, pensò, titubaverit:
quinimò si vocabulum aliter quàm illic
positum est, transposuerit. Scholam
olim, & nunc LUDUM LITERARIUM voca-
tū esse constat; nempe quòd quicquid hîc
agitur, Ludus esse debeat honestus, & ipsâ
amœnitate commendatus. At verò hic
ludus jam pridem carnificina factus est;

dum

15
dam nullo ordine ingentia volumina,
per obscuris Grammaticorum referta re-
gulis (quas pueri nec capiunt, nec reti-
nent) ediscenda severè imponuntur. Sed
mentem, rogo Vos Auditores, advertite,
& quam lepidum illud visuq; dignum sit
considerate; cùm puellus memoriter, cui
rei aliquot dies impendit, psittaci instar
Voces reddere cogitur, quas ne intelligit
quidem! Philosophorum terminos, aut
Chrysippi necdos, dixeris, vel ipsa illa ob-
scura Vocabula, quibus ars Grammatica
involvitur, ut ipsa difficultate inaccessa,
admirabilior diviniórq;, uti existimant,
reddatur. In malam crucem isti abeant,
qui cùm tantâ ingeniorû cruce rem pau-
ci momenti tractant! quasi reliquæ sci-
entiæ Vitæ toti tantoperè utiles, imò ne-
cessariæ, sine perfectissima unius linguæ
notitia, addisci nō possint. Inde fit, ut sint
qui decem, qui & amplius annos Gram-
maticæ, id est Verbis, impendant, cùm in-
terim summâ cūjactura temporis (quod

nec venditur, nec emitur) Res ipsæ negli-
gantur: hoc est, omnia potius, quàm quæ
ad rem faciunt, agantur. Verum enim ve-
rò omnia hæc in nostro, quod Deo duce
& auspice fundatur, Lycéo, secus fient.
Ita hîc Verba ingenui addiscent Juvenes,
ut Verbis Res conjungant. Ita usui Linguae
universalis assuescent, ut usus ejus ad usû
Scientiarum conferat. Ita loqui doce-
buntur; ut & facere discant. Verba ad
actionem, præceptaq; ad usum perpetuò
dirigemus: nec Elegantias dictionû flo-
resq; Actioni, vel Scientias rerum Praxi,
ante habebimus. Quod ut Vobis melius
constet, rem paucis explicabo.

Gymnasium hoc in tres partes & Claf-
ses, seu Scholas, divisum est, eritque.
Prima quidem, rudimenta dabit, ubi pue-
ri legere scribereq; addiscent, ita quidem
UT QUÆ SCRIPSERINT, LEGANT, ET QUÆ LEGERINT, MEMO-
RIÆ MANDENT. Sic unâ eademque operâ tria
simul comprehendent. Addentur *DECLINA-*
TIONES CONJUGATIONES QUÆ primi, secundi, tertii,
quarti

16

quarti ordinis, *RERVM* denique *APPELLATIONES*,
quæ Vocabula dicimus, ita disposita, ut
quædam ad primam, quædā ad secundam,
& sic deinceps Declinationes Conjugatio-
nesq; referantur. Altera ab hac superior
paulo Classiis, *PRÆCEPTA GRAMMATICA INSTILLABIT;*
ITA BREVITER, UT NIHIL BREVIUS, ITA DILUCIDE, UT NIHIL
DILUCIDIUS, ITA ORDINATE UT NIHIL ORDINATIUS, POSSIT.
Omnia illa rescindētur & amputabuntur,
quæ ingeniū puerile obruant poti9, quam
instruant, talia verò proponētur, & ita ac-
commodata quæ captui virescentis illius
& amœnæ ætatis cū quadam sva vitate ac
lepore sese insinuent. His adjicietur *VESTI-*
BULVM LINGVARVM Clarif. Viri Joannis Amos
Comenij, uti & quotidianæ de Sermone
vernaculo in latinum transpositiones &
exercitia, ut puer nō magis scriptō quàm
voce, non minùs hāc quàm illō, efferre e-
adem possit. Deniq; *SINTAXIS IN CARTAS ALIQVOT*
CONTRACTA & quinquaginta circiter brevissi-
mis regulis comprehensa: quā subsequen-
tur Profodiæ præcepta, ad formandum in
pro-

pronunciando & dicendo (qui nobis Polonis ferme semper erroneus est) Accentu, non minus brevia, quam distincta & perspicua, prælegentur. Vbique verò *STILI EXERCITIUM* unâ cum elegantibus summorum Virorum colloquiis & phrasibus modisq; loquendi ab iisdem collectis & concinnatis, quæ in se Rerum notitiam, & breves aliquando Historiolas, Exemplaque, continent, comitabitur. Verbo dicam, Auditores, Secunda hæc Classis correctè latinô idiomate loqui & scribere Juventutē docebit, atque efficiet, ut sine erroribus mendisq; Solecismorū & Barbarismorum ad superiorē Classē transmittatur. Attamen non ita verbis, uti jam dixi, immorabimur, ut vel ideò Res negligamus. Itaque certis & statutis horis quidam Musicam, omnes Arithmeticam, docebuntur: illa plebejæ conditionis adolescentibus, iisque aptis duntaxat & capacibus, hæc verò cunctis promiscuè explicabitur. Insuper quædam elementa de Temporis
(ut pote

(utpote Anni, Mensium, Dierum, Horarum, Calendarijque) divisione & ratione: denique Festis diebus, ante sacrorum tempus, brevis Evangelica Historia unâ cum præceptis Christianæ Catholicæque fidei: tum & Porta Aurea, introducens in sacrâ Historiarum Ecclesiasticarum Basilicam, atque alia quædam, quæ partim Pietati, partim informandæ & ad altiora præparandæ Menti facient, his ante dictis addentur & inculcabuntur. Sed quid ego hæc tam accuratè pertexo? Reliqua dabit Tabula proposita, & in publicum emissâ, quæ ordinem studiorum in his Classibus tractandorum, unicuique producet & explicabit. Progrediendum itaque est, Auditores, ne & prolixitas in dicendo, & exacta diligentia in enumerando, nauseam pariant, contrahendaque orationis vèla, modò quid supræa ordine, & tertia numero Classis promittat, paucis exposuero. Hæc horis antemeridianis præcepta Eloquentiæ, cum styli continuo quotidianoque ex-

exercitio (quod quidem primò in Epistolis, deinde Chrijs, deniq; Orationib; versabitur) dabit: ut nempe cum in inferiori Classe correctè, in superiori eleganter, loqui, pronuntiare, scribere, condiscant. Tempore verò horisq; pomeridianis brevem *Horatij Tursellini ab Orbe condito historiam*, seu Epitomen, explicabit, & velut in carta Geographica Orbem universum, sic in hac Rerū gestarum seriem & notitiam exhibebit. Quo de Authore, deq; ejus perspicua brevitate & elegantia, cum ad eum, Vobis sistendum, venerimus, paucis dicendum erit. Non enim ullum alium reperiri censeo, qui plura breviori compendio oculis mentibusq; hominum exposuerit. Nunc verò ad alia progrediamur, atq; simul ad exoptatum Orationis portū, pansas ut ajunt velis, properemus. Finitis Eloquentiæ præceptis, brevem & perspicuam captuiq; accommodatam DIALECTICÆ artem, atque post succinctum (unā cum demonstratione in utroque globo
ejusq;

ejusq; circulis) de Vniuersi, id est Mundi,
seu MACROCOSMI structura tractatū, quō
à spatiis illis extra Coelum immensis (ima-
ginaria vocant) usq; ad Terræ centrum,
Auditorem deducemus, brevissimè & per
Quæstiunculas concinnatum, atque ali-
um de MICROCOSMI, i. e. Hominis ex cor-
pore & anima composita structura, eidē
additum. Deniq; de RATIONE TEMPORŪ
paulò quàm in inferiori Schola, fusi-
us explicabimus, & vèluti fontes Rerum natu-
ræ, uberius post hauriendos aperiemus.
Præstabit idem JANUA LINGVARUM rese-
rata Clar. (quem ante nominavi) Come-
nij, quam eidem fini Juventuti enucleabi-
mus. Quid enim sine hâc ipsa Hominis
scientia est? dum ignorat, quæ & supra &
infra illum sunt? Dum in hoc Orbe vèlu-
ti peregrinus & omnium ignar⁹ versatur,
Rerumq; cunctarum causas nescit? Da-
bunt hæc, uti dixi, brevem, & tamen pro
brevitate satis copiosam Rerum notitiā.
Quibus peractis, & probè memoriæ man-

datis

datiſſimis & impreſſisq;ue, (vix enim quoad tra-
ctationem, aliquot menſium occupabūt
ſpatium) ſuccincta & eleganter cōcinna-
ta Ethicæ Politicæq; præcepta, idq; horis
matutinis. Juſtini vērò de quatuor Impe-
riis, & poſt hunc abſolutum L. Flori Hi-
ſtorię Romanę Epitomē, pomeridianis
explicabim9: ita tamen circūſcripto tem-
pore, & adhibita diligentia, ut his omni-
bus vix duo integri anni deſtinētur: Ter-
tius vērò aliquid Hiſtorię Polonę (quam
elegans & ſuccinctum Joachimi Paſtorij,
ſub nomine ſlori Polonici, compendium
adfert) unaq; de conſtitutione Reipubli-
cæ noſtræ, fundamentisq; patrij juris, in-
culcabit: nunq;vā tamen exercitiis ſtyli
omiſſis. Quæ ad ſtatum Regni huj9 ita re-
ferentur & accōmodabuntur, ut hinc Ju-
ventus Polona quædam ſemina concipi-
at, exercēdæ poſt in publico, cum eximia
laude & Patriæ emolumēto, Eloquentiæ.
Hiſtoriā perpetuò comitabitur Chrono-
nologia, & locorum in mappis Geogra-
phicis

phicis demonstratio; ut quid, quôq; tem-
pore, & quibus in locis gestum sit, pro-
bè intelligatur. Cum verò non satis sit
Eloquētiæ Historiæq; studiis immorari,
& cum in Pœsi, præcipua quoq; doctrinæ
& eruditiois vis lateat, certos horum præ-
lectioni dies, & in his horas, destinabim⁹,
atq; Virgilio, Horatio, Claudiano, cæte-
risq;, nosmet ipsos impendemus. Cæte-
rùm hoc insuper notari à vob. velim Au-
ditores, triennium hoc studiis Supremæ
Classis nostræ consecratum, ita à nobis di-
gestū iri, prout de cursu, uti vocant, Phi-
losophico in Academiis inaudivistis, nē-
pe singulis añis, alicubi etiā sæpius, Logi-
cā Physicamq; & inchoari & continuari.
Idē hic fiet, Eloquentiæ præcepta, & quæ
hæc ipsa subsequuntur, idq; pro iis, qui bis
in año promovebuntur, quibusq; annis &
incipiēt, & cōtinuabūtur, reliquorū inte-
rim Tractatuū, uti & Historiæ, cursu nō in-
termisso. Quæ quidē omnia ne scriptione
morā trahant, & inutiliter tēpus (cujus ir-

reparabilis jactura est) absumāt, typis ad
usū huj⁹ Gymnasij mandabim⁹, atq; dein-
ceps Librorū exemplaria inter musarū a-
lumnos, certo, etsi levi, pretio partiemur
cōmunicabimusq; Quis n. dispendiū hīc,
vel damnū, metuat? Interdū sumptus &
opera nugis quisquiliisq; vūlgandis infu-
muntur. Interdū Libri evertendis mori-
bus, virtutiq; & pudori profligando, im-
primūtur, distrahunturq; Quis vetabit
tales in lucē quocunque pretio, emittere,
qui rectæ institutioni faciūt? Sed me pro-
lixa enumeratio, longius quā sperabam
abduxit. Abrumpo itaq; & vōs ad Tabu-
lā, quæ uberius docenda discēdaq; repræ-
sentabit, breviq; evulgabitur, remitto.
Jam verò sufficiat dixisse, hanc nostri Ly-
cēi quoad superiorē Scholā, triennalem
occupationem futuram: in his tēpus tere-
mus, his insudabim⁹. Nec quisquā miretur
vel vitio vērta, tam multa paucō tempo-
re nos tractare velle & p̄ficere; tam mul-
ta polliceri. Si enim Ordo, horarumq; &

& temporis dispositio, adsit, omnia expē-
 dita fore, certum est: & non quā multa,
 mole, sed quam multū pondere, addisci
 possit, satagendum nobis erit. Hora una si
 rectē, si ordine, si diligenter, atq; cum in-
 genij & judicij adminiculo, impendatur,
 quantū scientiæ Menti humanæ (quæ ve-
 lut Tabula rasa, tot Literas, tot Verba, tot
 Res in se recipit) infundere valeat nō ig-
 noratis: quid dies, quid mensis, quid aņus,
 quid bienniu, quid denique trienniu con-
 ferre, & quantum eandem augere possit,
 quæso animis expēdite. Ardua omnia &
 aspera superat, & eluctatur, diligentia.
 Aditus sæpē inaccessus, accessus factus est
 conanti: in quibusque difficilibus si per-
 rexeris, ipsa sese explicabit difficultas.
 Montem aliquem præruptum mihi cogi-
 ta! Si ascendere dubitas, morā & cuncta-
 tione tempus extrahis, difficultatem ima-
 ginatione auges: tenta, & facile ad cacu-
 men eniteris. Quædam impossibilia fa-
 cit ipsa dubitatio: Si experimentum cæ-
 peris

peris, ipsum quod videbatur impossibile,
superabis. Hæc cum ita se habeant, Audi-
tores, quem & qualem, rogo, impetum,
ad altiora quæq; ingenui Iuvenes inde ca-
pient, postquā ista de quibus diximus, bre-
vi tempore percurrerint, & quasi publicæ
laudis jecerint fundamēta? Quem pigebit
(sumpto ex his clasibus nostris initio) ul-
terius progredi, clarissima adire studio-
rum emporia, frequentare celebres Or-
bis Academias, atq; in hoc studio eò ala-
crius desudare? Cuinam Artes deinceps,
vel Historia Rerum quarumcunq;, sorde-
re poterunt? Cui tractatio Rerum erit
vel molesta, vel injucunda, quarum illi
tātum in hac bonarum Literarum officina
fecerimus gustulum? Sed hinc alia eti-
am commoda præterire aut involvere si-
lentio non licet. Quanta enim, prò Deus
immortalis, mente prævideo, & veluti
intueor! hinc Nobilium spes, parentumq;
solatia profluent, cum proles eorum
Virtutibus exculta, Literisq; perpolita,

74

eos aliquando Reipublicæ fructus dabit ,
& adferet, qui ei in perpetuum usum sint.
Hinc plebejorum animæ & mentes, agre-
stes exuent mores, & feritate depositâ, vi-
tæq; rusticæ squalore, ad altiora assur-
gent: cum omnem à Terra, cui assveve-
runt, culturam ad Animum transferent,
atq; stivæ & ligonis obliti, hoc Animi so-
lum Artibus subigent, Literis excolent,
semente salubrium præceptorum moni-
torumq; conserent, deniq; eos colligent
fructus, qui eos per totum mortalis vitæ
spatium pascant, nutriant, sustentent. Sed
quid ego hæc minutiora persequor ?
Quinimò hinc cultus & honor Omnipoten-
tis Dei pullulabit, dum ex hac institu-
tione, quæ Pietatem cum Literis conjun-
get, Sacri mystæ, Deoq; devota capita,
dum Verbi divini præcones, salutisq; hu-
manæ administri, tanquam è seminario
quodam prodibunt ! Hinc Patriæ Cives,
hinc clara Reipublicæ aliquando nomina
hinc Gymnasii hujus Magistri & sapien-

tiaē professores, hinc Urbium Conscripti
Patres, Cōsules, Prætores, Advōcati, Con-
sultoresq; , cæteri deniq; profluent Magi-
stratus. Hinc velut excrescent, qui tibi
ILLUSTRISIME PALATINE, tuæq; posteri-
tati fidelem operam præstent, curandisq;
è re Tua negotiis feliciter impendantur.
Breviter id quod est dicam. Hinc juven-
tutis honesta educatio; ad Pietatem Vir-
tutumq; cultum directio & manu ductio;
in Literis artibusq; per compendia quæ-
dam (cū Ars longa, vita brevis sit, & a-
gendi tempora discendo consumere in-
consultum docti existiment) instructio,
atq; ad altiores scientias & studia disposi-
tio; hinc ad omnes præclaras Vitæ hu-
manæ actiones veluti introductio: hinc
pauperum & à fortuna repudiatorum ad
veram eruditionem adspirantium, in re-
liqū ævi sustentatio; hinc deniq; or-
natus, commoda, celebritas, hujus, in qua
loquor, Urbis originem & incrementa ca-
pient. Quæ cū excelsa, splendida & u-
traq;

traq; uti ajunt, manu amplectenda arri-
piendaq; sint, Auditores, cumq; sese usu i-
pso cōmendent, eò tamen celerius prom-
ptiusq;, quò magis ipsa hujus loci & Vr-
bis amænitas veræ Eruditionis amatores
cultoresq; invitat & allicit, amænioraq;
ipsa studia reddit. Hic enim videre est i-
psum quidem Oppidum satis cultis, pro
conditione Civium, ædibus exornatum
Forum eleganti dimēfione, & Curia qua-
qua versus proportionatâ, absolutaq; cō-
mendatum. Hic Templâ & delubra insi-
gni magnificentia & splendore conspi-
cua. Præcipuò verò ponendum loco Re-
gium planè opus, & plusquam privatis
impensis censendum, CÆNOBIUM nem-
pe atq; Basilica Fratrum minorum stri-
ctioris observantiæ; quod magni nomi-
nis heros, Petrus de Bnin Opalenski Pa-
latinus Posnaniensis, Deo Divisq; erexit
& dicavit. Illud inquam opus exteris ad-
mirandum, omnibus suspiciendum, quod
solo intuitu & interno quodam motu in-

ſinētūq; ipſam pietatem devotiōemq;
Mentibus hominum inſtillat. Quod ſi
verò foris prodeas, & relaxando animo
extra Urbem deambulatūcūlis temet
occupes, protinus ſeſe offerent aprici
colles, hinc inde nutantes ſylvæ, vernan-
tes fluvioq; irrigui campi. Hīc victus fa-
cilitatem ſeſe ipſam pandentem, & Mu-
ſarum alumnis prono ſinu omnem copi-
am fundentem, reperiēs. Hīc reliqua
commoda ſpectanda, & paſſim obvia,
quæ conatum ſtudioq; provocent, de-
prehendes. Inter quæ eminet (nec mi-
rū, cū ſublimi Arcis loco ſita ſit) emi-
net inquam, non tam loci quā fructūs
& uſūs ſublimitate, inſignis OPALINSCIA-
NA BIBLIOTHECA, Scientiarum quædam
officina, Artiumq; honeſtarum repoſi-
torium, ſivē inſtrumentum. Bibliotheca,
inquam, quæ divinarum doctarūq;
Mentium lucubrationibus & operibus
inſtructa, unicuiq; facile ſuppeditabit
eum Literarum apparatus, qui in reli-
quum

quum vitæ pernecessarius sit. Hanc Tu
ILLUSTRISSE PALATIN E tantis impen-
diis instruxisti, tot ornamentis decora-
sti, tot voluminum centuriis implesti,
ut nihil ad excolendum animum omni-
sciamq̃, Rerum notitiam desiderari vi-
deatur. Hanc omnibus velut sinum quen-
dam pandis, in quem se tuti à fortunæ pro-
cellis recipiant, unde præcepta vitæ su-
mant, unde in reliquos, uberrimos scien-
tiæ latices diffundant. Recludis nempe
hos fontes, ex quibus in humanam socie-
tatem rivuli eruditionis promanent. A-
peris hanc aurifodinam, divitis venæ ve-
luti ubere humani intellectûs receptacu-
la explentem, reconditasque eidem divi-
tias & thesauros inferentem. Hoc quip-
pe hoc verè est beneficum esse, tales ani-
mi Opes in totum Mortalium genus spar-
gere. Has gazas qui aperuit, omnes Re-
gum Persarum superavit. Nihil majus
unquam homo homini conferre potuit
Animi culturâ. Si hæc absit, quid cæte-

ra conferunt? Quamobrem cum in com-
perto apertoque hæc omnia sint,

*Hoc agite ó Juvenes! circumspicit & stimulat vos
Materiamq; sibi ducis indulgentia quærit.*

Hoc inquam agite, hoc curate, ut quam-
primum ad has Musarum sive divitias, si-
ve delitias accedatis. Dum deliberamus,
dum cunctamur, Vita transcurrit. Atq;
si ulla in re unquam verè dictum est,
quod differtur auferri, certè in hac, optimo jure
dici potest. Sed cum in certamen hoc
quod vobis variæ difficultates neſtunt,
vel aliqua ignaviæ species forte fortunâ
obtrudit, descenderitis, ad Literarum
præsidium quô armandi aliquando estis,
adhibendum Vobis putate reliquarum
subsidiū: quarum studio incen-
sos volo Vos tantô, ut quemcunque siue
in comūni Vita, siue in Historiis videri-
tis, audiveritisq; aliqua virtutis laude ex-
cellentem, illum imitari, imò exprime-
re, studeatis. Nihil Vobis continentius,
nihil vigilantius, esse cupio. Patientiâ,
mansuetudine, pietate, modestiâ, labori-
bus,

bus, studiiq; ardore, omnes qui uspiam
albo Literarum inscripti sunt, superate.

A pravorum sceleratorumq; congressu
& colloquio ita abstinete, ut ne propè
quidem ad eos accedendum existimetis.

Cibo potuq; quem natura exigit utimini,
qui ingenium non obtundat, corpus &
valetudinem sustentet. Lectum stratuq;
tunc demum petite, cum Vos necessarius
somnus occupaverit: cui ita indulgete,
ut existimetis brevem hanc mortem, plu-
rimum Vitæ actioniq; subducere, Vires
enervare, ingenium obfuscare, morbos
animi corporisq; accersere, deniq; torpo-
rem & ignaviam inducere. Has omnes
illecebras quæso fugite, & verâ eruditio-
ne muniti, ita vincendo contemnite, ut
iis etiam imbecillitatem exprobretis.

Tu verò, ILLUSTRISSEHEROS, cui Deus
condendi Gymnasii hujus mentem infu-
dit, & fælicibus auspiciis hodierno die ja-
cere fundamenta concessit, hoc totum
non sine Deo perfice opus, & absolve.

Tu

Tu bonis avibus primas harum colum-
narum (five lateritiæ five æneæ sint, lite-
ris certè artibusque insculptæ) bases po-
suisti: Tu easdem stabili, Posterisq; ve-
lut hæreditatem pulcherrimā transcri-
be & in tropheum erige. Tua Illustris
magnanimaque proles hinc scientia-
rum primordia capiet,

Et nati natorum, & qui nascentur ab illis.

Seri inquam Nepotes, Pronepotesq; Ti-
bi olim debebunt, quòd eos Ecclesiæ &
Reipub. Generis pariter atq; Literarum
prærogativâ & beneficio, produxeris.
Hinc prodibunt aliquando clari & Illust-
res de BNN heroes, qui velut fulcra quæ-
dam & sustentacula, Regnum hoc Pa-
triamq; fulciant; qui sese totos usibus
publicis impendant, qui consiliis & ar-
mis, uti veri Palladis Martisq; alumni,
Rempublicam fartam & tectam poste-
ris transmittant; qui deniq; insigne hoc
opus & institutum in dies magis ac ma-
gis promoveant, atq; nomen tuum æter-

nita

19

nitati inferant. Vivit enim, licet elap-
sis tot sæculis; Vivit hætenus, imò ipsi
consecratur immortalitati, Carolus mag-
nus Imperator, qui Orbi barbarie obstituto,
& tenebris inscitiae ignorantiaeque im-
merso, literarum lucem restituit. Vi-
ves & tu ILLUSTRISSE PALATINE, qui
in hoc Sarmatico Orbe easdem promo-
ves, nutris, sustentas. Vivunt Illustres
animæ & nomina Scipionum, Pompeio-
rum, Juliorum, Augustorum, Antonino-
rum, Alphonforum, Imperatorum Re-
gumq; , qui cum Rerum gestarum gloriâ
excelluerint, non minus quoque hac lau-
de apud posteros innotescunt. Vives &
Tu, magnanime Heros, in seram Posteri-
tatem; nomenq; Tuum, Laudesq; mane-
bunt, quàm diu subsecutura sæcula Musas
& Eruditionem fovebunt, æstimabuntq;.
Quod ut fælicius, citiusq; eveniat, Vota
ad Deum vertenda nuncupandaq; sunt:
& cum ad has Vicinas aras & pulvinaria
loquamur; Tu o Vera æternaq; Sapi-

entia invocanda nobis es. In te unico
principio & fine orationis meæ finem
facio. Tu pium hoc opus nomini &
gloriæ Tuæ sacrum sustenta & promo-
ve. Tu mentem nobis ad salutaria ap-
petenda, addiscenda, retinendaq; infun-
de. Tu conatus nostros promove. Tu
Divis, Matre tuâ & Catharinâ Martyre
Virgineque (quarum auspicijs harum
Scholarum jacta sunt fundamenta) sup-
plicantibus, adspira ò D E U S, omnis Sci-
entiae & Sapientiae fons & origo. Adspi-
ra inquam Votis nostris, & effice, ut qui-
cunq; hinc Educationem & Disciplinam,
tùm & Literarum Artiumq; copiam
hauserint, ijs ad bonum Ecclesiae,
Patriæ, Amicorum, atq; pro-
priae Salutis, utantur..



BIBLIOTHECA
UNIV. IAGELL.
GRACQVIENSIS

7.11.18.34

co
m
&
o-
o-
n-
u
re
m
o-
ci-
i-
ii-
n,

